



Sunnfjord
kommune




Skei barnehage

Barnehageportrett



Historiske barnetal frå 2008 – 2023



Kapasitetsutnyttning

Faktorar	15.12.2023	30.06.2024	2024/2025
Barn under 3 år	20	21	25
Barn over tre år	33	34	31
Godkjent leike- og opphaldsareal kvm	439	439	439
Arealutnyttning kvm	268,5	279	289,5
Kapasitet arealplassar	97,6	97,6	97,6
Arealplassar i bruk	59,7	62	64,4
Ledige arealplassar	37,9	35,6	33,2

Bemanning i årsverk

Bemanning etter teneste 201

Faktorar	2023/2024	2024/2025
Styrrar	1,0	1,0
Assisterande styrrar	0,5	0,6
Pedagogisk leiar	6,0	5,4
Barnehagelærar	0,0	0,8
Fagarbeidar	7,6	4,8
Assistent	0,0	2,8
Lærling	0,0	1,0
Snittalder		47,7

Grunnbemanning

Bemanningsnorm	2020	2021	2022	2023
Tal barn per vaksen	5,8	5,9	5,3	5,2

Pedagognorm

Pedagognorm	2020	2021	2022	2023
Tal barn per pedagog	13,1	13,8	11,5	11,2

Økonomi

Økonomi	2020	2021	2022	2023
Rekneskap	7 804 792	8 458 537	9 378 375	10 078 018
Budsjett	8 418 303	9 077 273	8 760 375	10 878 102
Kostnad per heiltidsplass	131 838	134 262	165 112	190 872

Tilbod og utvikling i sektoren

Skule	Skei skule
Tilknytning til andre tenestetilbod	Det er fleire servicetilbod i Skei sentrum.
Bustad og næring	Skei har rikeleg med gryteklare bustadplanar i høve folketalsvekst, samt planar for næring i og rundt Skei sentrum.

Bygningsmasse

Byggeår	1987, nytt tilbygg 2014.
Areal	811 kvm
Godkjent leike- og opphaldsareal	439 kvm
Uteareal	5 386 kvm

Andre forhold

Avstand til Førde sentrum	43,8 km
Avstand til Stardalen barnehage	11,8 km
Avstand til Slåtebakkane barnehage	15,7 km

Tilbakemelding frå foreldre, tilsette og andre interessentar

Det pedagogiske tilbodet

Dette er vi tilfreds med

- Barnehagen har fokus på eit miljø som fremjar helse, trivsel, leik og læring
- Barnehagen har ei personalgruppe som er opptekne av god kvalitet i barnehagetilbodet, som er engasjerte og ser einskildbarna sine behov
- Barnehagen har god samarbeidskultur. Noko som er viktig for det pedagogiske tilbodet i barnehagen
- Barnehagen har pedagogar på alle avdelingane
- Barnehagen nyttar naturen og nærområdet aktivt saman med barna til ulike pedagogiske aktivitetar

Forbetringsområder

- Auka bemanning
- Setje inn vikar ved planleggingstid for pedagogane

Organisasjonsmessige forhold

Dette er vi tilfreds med

- Ein er nøgd med korleis organiseringa er i dag med tanke på inndeling av barnegruppene
- Barnehagen som bygg er stort nok, og vi har plass til dei 4 avdelingane som ein har no. Barnehagen har ein god del rom som vert brukt til å dele inn i grupper
- Barnehagen har stort uteområde. Eit område som er tilpassa dei eldste barna, og eit område som er tilpassa dei yngre barna

Forbetringsområder

- Uteområde for dei minste barna treng leikeapparat
- Barnehagen treng vedlikehald og maling

Barnehagen i lokalsamfunnet

Dette er vi tilfreds med

- Barnehagen er heilt avgjerande for lokalsamfunnet, busetnad og nærmiljø
- Gode oppvekstvilkår er avgjerande for å halde i stand eit lokalsamfunn. Både av omsyn til tilflytting, men og for at folk skal halde fram med å bu her
- Barnehagen si plassering ligg sentralt. Omsorgssenteret ligg rett ved sidan av barnehagen, og det er kort avstand til skule, hall, fjell og skog
- Barnehagen har eit godt samarbeid med sjukeheimen gjennom ulike prosjekt, som til dømes livslyst for eldre og samarbeid med dyr i sansehagen

Andre innspel

- Vi ynskjer at ein ser på løysingar der ein nyttar pengane meir på barna, og mindre på administrasjon og vedlikehald av overflødige bygg
- Ein får informasjon om stor barnehagetettleik i sentrumskjerna Førde. Der bør ein sjå på om ein kan organisere seg annleis. Når barnehagetettleiken er såpass høg vil konsekvensane av strukturendring der vere minimal, kontra i distrikta
- Kvalitet i barnehagetilbodet er viktig. Ved å investere i barnehage og prioritere tidleg innsats vil ein truleg auke gjennomføringsevna i skule, og i arbeidslivet seinare

Prosjektgruppa si oppsummering

No- situasjonen

Vi har nytta Utdanningsdirektoratet (Udir) sin bemanningskalkulator for barnehage¹ for å sjå om barnehagen stettar lovkrava etter bemanningsnorma og pedagognorma, og korleis fagmiljøet er i barnehagen. Tala som er lagt til grunn er barnetalet i tabellen kapasitetsutnytting og tabellen bemanning i årsverk for barnehageåret 2024/2025.

¹ [Utdanningsdirektoratet – bemanningskalkulator for barnehage](#)

Skei barnehage følger både bemanningsnorma og pedagognorma, det er noko overtalige i barnehagen basert på utrekningane i bemanningskalkulatoren til Udir.

Det er eit godt fagmiljø i barnehagen og eit engasjert personale som bidreg til eit positivt læringsmiljø og tryggleik for barna.

Barnehagen blei utvida med to avdelingar og ei oppgradering av eksisterande bygningsmasse i 2014. Ut i frå kriteria vi har lagt til grunn har barnehagen gode fasilitetar for både tilsette og barn. Det er ikkje optimale kontorplassar for tilsette. Det er ledig kapasitet i bygget ut i frå arealplassar.

Kva kan dette bety for barnehagen i framtida

Pedagogisk

- Å få tak i nok kvalifiserte barnehagelærarar kan bli ei utfordring på sikt.
- Vi ser ein generell nedgang i tal studentar som vel barnehagelærarutdanning, og det kan bli vanskeleg å rekruttere ny kompetanse på området.
- Med redusert barnetal i framtida vil vi ha færre stillingsheimlar i barnehagen.
- Dersom barnehagen har færre stillingsheimlar kan det føre til færre pedagogar. Dette kan svekke det faglege miljøet i barnehagen.

Organisering

- Det kan bli behov for å vidareutvikle organiseringa av barnehagen for å møte endringar i barnetalet. Dette kan inkludere endra bruk av ressursar og gruppedeling.
- Organisering av barnegrupper i framtida vil avhenge av tal søkarar og alder på barna.
- Det må i framtida vere samsvar mellom tal barn og tilsette for å følge bemanningsnorma, og for å nytte midlar i sektoren føremålstenleg.

Lokalsamfunn (struktur)

- For å oppretthalde barnetalet og utnytte kapasiteten i barnehagen er vi avhengig av at folk vel å busette seg i området. Det er behov for både utbygging og sirkulasjon i eksisterande bustadmasse.
- Det er fritt barnehageval i dag og det er foreldra som legg premissar for at barnehagetilbodet blir oppretthalde i lokalsamfunnet
- Foreldreundersøkinga som er gjennomført i prosjektet kvalitet og kapasitet i Sunnfjordbarnehagen syner at det er like viktig å ha eit barnehagetilbod på veg til arbeid, som at barnehagen ligg nær eigen bustad.

For utfyllande detaljar sjå innspela på ([link til postlista](#))

Kontinuerleg barnehageopptak? Inn i tabell? Ekvivalentar. Barn som har slutta/flytta?